




杜陸千選

杜律五言  
七言  
下

大判

土岐文庫  
文庫17  
W96  
2



文庫 17  
W96  
2

御定杜陸千選卷之三目錄

杜律五言

宿昔

能畫

鬪雞

歷歷

孤鴈

猿

白小

峽口二首



昭和十五年二月一日  
土佐善庵氏寄贈

010185191910

御定杜陸千選卷三目錄

瞿唐兩崖

瞿唐懷古

夜宿西閣曉呈元二十一曹長

西閣口號呈元二十一

灤西寒望

不離西閣

陪柏中丞觀宴將士

玉腕騮

送王十六判官

江梅

懷灤上遊

入宅 二首

暮春題灤西新賃草屋 二首

喜觀即到復題短篇

熟食日示宗文宗武

月

晨雨

過客相尋

豎子至

溪上

樹間

夜雨

更題

舍弟觀歸藍田迎新婦送示 二首

孟氏

吾宗

秋清

秋峽

秋日寄題鄭監湖上亭

秋野 五首

課小豎鋤斫舍北果林枝蔓荒穢淨訖移

床

返照

向夕

自灤西荆扉且移居東屯茅屋

社日

八月十五夜月 二首

十六夜翫月

十七夜對月

曉望

日暮

暝

夜

九月一日過孟十二倉曹十四主簿兄弟

九日 二首

東屯北崦

從驛次草堂復至東屯茅屋

暫往白帝復還東屯

刈稻了詠懷

季秋蘇五弟纓江樓夜宴崔十三評事韋

少府姪 二首

季秋江邨

耳聾

大曆二年九月三十日

悶

夜 二首

朝 二首

雨 二首

謁真諦寺禪師

奉送卿二翁統節度鎮軍還江陵

題柏大兄弟山居屋壁

白帝城樓

有歎

春夜峽州田侍御長史津亭留宴

上巳日徐司錄林園宴集

和江陵宋大少府暮春雨後同諸公及舍

弟宴書齋

歸鴈

夏日楊長寧宅送崔侍御常正字入京

江邊星月

舟月對驛近寺

舟中

哭李常侍嶧

移居公安山館

公安送李二十九弟晉肅入蜀余下沔鄂

衡州送李大夫七丈勉赴廣州

泊岳陽城下

纜船苦風戲題四韻奉簡鄭十三判官

登岳陽樓

陪裴使君登岳陽樓

南征

歸夢

宿青草湖

宿白沙驛

湘夫人祠

祠南夕望

發潭州

野望

入喬口

潭州送韋負外迢牧韶州

晚秋長沙蔡五侍御飲筵送殷六參軍歸

澧州觀省

江漢

舟中夜雪有懷盧十四侍御弟

對雪

送趙十七明府之縣

歸鴈二首

過洞庭湖

Blank writing area with vertical lines.



御定杜陸千選卷之三

杜律五言

宿昔

宿昔青門裏蓬萊仗數移花嬌迎雜樹龍喜出  
平池落日留王母微風倚少兒宮中行樂秘少  
有外人知

能畫

能畫毛延壽投壺郭舍人每蒙天一笑復似物  
皆春政化平如水皇恩斷若神時時用抵戲亦  
未雜風塵



鬪雞

鬪雞初賜錦舞馬既登床簾下宮人出樓前御  
柳長仙遊終一閱女樂久無香寂寞驪山道清  
秋草木黃

歷歷

歷歷開元事分明在眼前無端盜賊起忽已歲  
時遷巫峽西江外秦城北斗邊為郎從白首卧  
病數秋天

孤鴈

孤鴈不飲豕飛鳴聲念羣誰憐一片影相失萬

重雲望盡似猶見哀多如更聞野鴟無意緒鳴  
噪自紛紛

猿

裊裊啼虛壁蕭蕭挂冷枝艱難人不免隱見爾  
如知慣習元從衆全生或用竒前林騰每及父  
子莫相離

白小

白小羣分命天然二寸魚細微霑水族風俗當  
園蔬入肆銀花亂傾筐雪片虛生成猶拾卵盡  
取意何如

峽口

峽口大江間西南控百蠻城鼓連粉堞岸斷更  
青山開闢當天險防隅一水關亂離聞鼓角秋  
氣動衰顏

時清關失險世亂戟如林去矣英雄事荒哉割  
據心蘆花留客晚楓樹坐猿深疲蕭煩親故諸  
侯數賜金

瞿唐兩崖

三峽傳何處雙崖壯此門入天猶石色穿水忽  
雲根猿攫鬚髯古蛟龍窟宅尊羲和冬馭近愁

畏日車翻

瞿唐懷古

西南萬壑注勅敵兩崖開地與山根裂江從月  
窟來削成當白帝空曲隱陽臺疏鑿功雖美陶  
勻力大哉

夜宿西閣曉呈元二十一曹長

城暗更籌急樓高雨雪微稍通綃幕霧遠帶玉  
繩稀門鵲晨光起檣烏宿處飛寒江流甚細有  
意待人歸

西閣口號呈元二十一

山木抱雲稠寒江繞上頭雪崖纔變石風慢不  
依樓社稷堪流涕安危在運籌看君話王室感  
動幾銷憂

灤西寒望

水色含羣動朝光切太虛年侵頻悵望興遠一  
蕭疎猿掛時相學鷗行炯自如瞿唐春欲至定  
卜灤西居

不離西閣

西閣從人別人今亦故亭江雲飄素練石壁斷  
空青滄海先迎日銀河倒列星平生耽勝事吁

駭始初經

陪柏中丞觀宴將士

繡段裝簷額金花帖鼓腰一夫先舞劍百戲後  
歌鑣江樹城孤遠雲臺使寂寥漢朝頻選將應  
拜霍嫖姚

玉腕騮

聞說荆南馬尚書玉腕騮驂驪飄赤汗跼躄顧  
長楸胡虜三年入乾坤一戰收舉鞭如有問欲  
伴習池遊

送王十六判官

客下荆南盡君今復入舟買薪猶白帝鳴櫓已  
沙頭衡霍生春早瀟湘共海浮荒林庾信宅為  
仗主人留

江梅

梅蕊臘前破梅花年後多絕知春意好最奈客  
愁何雪樹元同色江風亦自波故園不可見巫  
岫鬱嵯峩

懷灞上遊

悵望東陵道平生灞上遊春濃停野騎夜宿敞  
雲樓離別人誰在經過老自休眼前今古意江

漢一歸舟

入宅

亂後居難定春歸客未還水生魚復浦雲暖麝  
香山半頂梳頭白過眉拄杖斑相看多使者一  
一問函關

宋玉歸州宅雲通白帝城吾人淹老病旅食豈  
才名峽口風常急江流氣不平只應與兒子飄  
轉任浮生

暮春題灤西新賃草屋

此邦千樹橘不見比封君養拙干戈際全生麋

鹿羣畏人江北草旅食灤西雲萬里巴渝曲三  
年實飽聞

綠雲陰復白錦樹曉來青身世雙蓬鬢乾坤一  
草亭哀歌時自惜醉舞為誰醒細雨荷鋤立江  
猿吟翠屏

喜觀即到復題短篇

巫峽千山暗終南萬里春病中吾見弟書到汝  
為人意答兒童問來經戰伐新泊船悲喜後款  
款話歸秦

熟食日示宗文宗武

消渴遊江漢羈棲尚甲兵幾年逢熟食萬里逼  
清明松栢邛山路風花白帝城汝曹催我老回  
首淚縱橫

月

併照巫山出新窺楚水清羈棲愁裏見二十四  
迴明必驗升沈體如知進退情不違銀漢落亦  
伴玉繩橫

晨雨

小雨晨光內初來葉上聞霧交纔灑地風折旋  
隨雲暫起紫荊色輕霑鳥獸羣麝香山一半亭

午未全分

過客相尋

窮老真無事江山已定居地幽忘盥櫛客至罷  
琴書掛壁移筐果呼兒問煮魚時聞繫舟楫及  
此問吾廬

豎子至

楂梨纔綴碧梅杏半傳黃小子幽園至輕籠熟  
柰香山風猶滿把野露及新嘗歌枕江湖客提  
攜日月長

溪上

峽內淹留客溪邊四五家古苔生迹地秋竹隱  
疎花塞俗人無井山田飯有沙西江使船至時  
復問京華

樹間

岑寂雙甘樹婆娑一院香交柯低几杖垂實礙  
衣裳滿歲如松碧同時待菊黃幾回霑葉露乘  
月坐胡床

夜雨

小雨夜復密迴風吹早秋野涼侵閉戶江滿帶  
維舟通籍恨多病為郎忝薄遊天寒出巫峽醉

別仲宣樓

更題

只應踏初雪騎馬發荊州  
直怕巫山雨真傷白帝秋  
羣公蒼玉佩天子翠雲裘  
同舍晨趨侍胡為淹此留

舍弟觀歸藍田迎新婦送示

汝去迎妻子高秋念却回  
即今螢已亂好與鴈同來  
東望西江永南遊北戶開  
卜居期靜處會有故人杯

楚塞難為路藍田莫滯留  
衣裳判白露鞍馬信

清秋滿峽重江水開帆  
八月舟此時同一醉應  
在仲宣樓

孟氏

孟氏好兄弟養親惟小園  
承顏胝手足坐客強盤飧  
負米夕葵外讀書秋樹根  
卜鄰慙近舍訓子學誰門

吾宗

吾宗老孫子質朴古人風  
耕鑿安時論衣冠與世同  
在家常早起憂國願年豐  
語及君臣際經書滿腹中

秋清

高秋蘇肺氣白髮自能梳藥餌憎加減門庭悶  
掃除杖藜還客拜愛竹遣兒書十月江平穩輕  
舟進所如

秋峽

江濤萬古峽肺氣久衰翁不寐防巴虎全生狎  
楚童衣裳垂素髮門巷落丹楓常怪商山老蕪  
存翊贊功

秋日寄題鄭監湖上亭

碧草違春意沅湘萬里秋池要山簡馬月淨庾

公樓磨滅餘篇翰平生一釣舟高唐寒浪減鬢  
髯識昭丘

秋野

秋野日疏蕪寒江動碧虛繫舟蠻井絡卜宅楚  
邨墟棗熟從人打葵荒欲自鋤盤飧老夫食分  
減及溪魚

易識浮生理難教一物違水深魚極樂林茂鳥  
知歸衰老甘貧病榮華有是非秋風吹几杖不  
厭北山薇

禮樂攻吾短山林引興長掉頭紗帽側曝背竹



書光風落收松子天寒割蜜房稀踈小紅翠駐  
履近微香

遠岸秋沙白連山晚照紅潛鱗輸駭浪歸翼會  
高風砧響家家發樵聲箇箇同飛霜任青女賜  
被隔南宮

身許麒麟畫年衰鴛鴦羣大江秋易盛空峽夜  
多聞徑隱千重石帆留一片雲兒童解蠻語不  
必作參軍

課小豎鋤斫舍北果林枝蔓荒穢淨訖移  
床

籬弱門何向沙虛岸只摧日斜魚更食客散鳥  
還來寒水光難定秋山響易哀天涯稍曛黑倚  
杖獨徘徊

返照

返照開巫峽寒空半有無已低魚復暗不盡白  
鹽孤荻岸如秋水松門似畫圖牛羊識童僕既  
夕應傳呼

向夕

畎畝孤城外江邨亂水中深山催短景喬木易  
高風鶴下雲汀近雞棲草屋同琴書散明燭長

夜始堪終

自讓西荆扉且移居東屯茅屋

白鹽危嶠北赤甲古城東平地一川穩高山四面同烟霜淒野日秔稻熟天風人事傷蓬轉吾將守桂叢

社日

九農成德業百祀發光輝報効神如在馨香舊不違南翁巴曲醉北鴈塞聲微尚想東方朔詎諧割肉歸

八月十五夜月

滿目飛明鏡歸心折大刀轉蓬行地遠攀桂仰天高水路疑霜雪林棲見羽毛此時瞻白兔直欲數秋毫

稍下巫山峽猶銜白帝城氣沈全浦暗輪瓦半樓明刀斗皆催曉蟾蜍且自傾張弓倚殘魄不獨漢家營

十六夜翫月

舊挹金波爽皆傳玉露秋關山隨地闊河漢近人流谷口樵歸唱孤城笛起愁巴童渾不寐半夜有行舟

十七夜對月

秋月仍圓夜江邨獨老身捲簾還照客倚杖更  
隨人光射潛虬動明翻宿鳥頻茅齋依橘柚清  
切露華新

曉望

白帝更聲盡陽臺曙色分高峯寒上日疊嶺宿  
霾雲地坼江帆隱天清木葉聞荆扉對麋鹿應  
共爾為羣

日暮

牛羊下來久各已閉柴門風月自清夜江山非

故園石泉流暗壁草露滴秋根頭白燈明裏何  
須花燼繁

暝

日下四山陰山庭嵐氣侵牛羊歸徑險鳥雀聚  
枝深正枕當星劍收書動玉琴半扉開燭影欲  
掩見清砧

夜

絕岸風威動寒房燭影微嶺猿霜外宿江鳥夜  
深飛獨坐親雄劍哀歌歎短衣烟塵繞閭闔白  
首壯心違

九月一日過孟十二倉曹十四主簿兄弟  
藜杖侵寒露蓬門啓曙烟力稀經樹歇老困撥  
書眠秋覺追隨盡來因孝友偏清談見滋味爾  
輩可忘年

九日

舊日重陽日傳杯不放杯即今蓬鬢改但愧菊  
花開北闕心長戀西江首獨迴茱萸賜朝士難  
得一枝來

舊與蘇司業兼隨鄭廣文采花香泛泛坐客醉  
紛紛野樹歌還倚秋砧醒却聞歡娛兩冥漠西

北有孤雲

東屯北嶮

盜賊浮生困誅求異俗貧空邨唯見鳥落日未  
逢人步壑風吹面看松露滴身遠山回白首戰  
地有黃塵

從驛次草堂復至東屯茅屋

峽內歸田客江邊借馬騎非尋戴安道似向習  
家池山險風烟僻天寒橘柚垂築塲看斂積一  
學楚人為

暫往白帝復還東屯

復作歸田去猶殘穫稻功築場憐穴蟻拾穗許  
邨童落杵光輝白除芒子粒紅加餐可扶老倉  
廩慰飄蓬

刈稻了詠懷

稻穫空雲水川平對石門寒風踈草木旭日散  
雞豚野哭初聞戰樵歌稍出邨無家問消息作  
客信乾坤

季秋蘇五弟纓江樓夜宴崔十三評事韋

少府姪

峽險江驚急樓高月迴明一時今夕會萬里故

鄉情星落黃姑渚秋辭白帝城老人因酒病堅  
坐看君傾

對月那無酒登樓况有江聽歌驚白鬢笑舞拓  
秋牕樽蟻添相續沙鷗並一雙盡憐君醉倒更  
覺片心降

季秋江邨

喬木邨墟古踈籬野蔓懸素琴將暇日白首望  
霜天登俎黃甘重支床錦石圓遠遊雖寂寞難  
見此山川

耳籟

印定土產

卷三

杜律五言

十四

生年鷓冠子歎世鹿皮翁眼復幾時暗耳從前  
月驚猿鳴秋淚缺雀噪晚愁空黃落驚山樹呼  
兒問朔風

大曆二年九月三十日

為客無時了悲秋向夕終瘴餘夔子國霜薄楚  
王宮草敵虛嵐翠花禁冷葉紅年年小搖落不  
與故園同

悶

瘴癘浮三蜀風雲暗百蠻卷簾唯白水隱几亦  
青山猿捷長難見鷗輕故不還無錢從滯客有

鏡巧催顏

夜

向夜月休弦燈花半委眠號山無定鹿落樹有  
驚蟬暫憶江東鱸兼懷雪下船蠻歌犯星起空  
覺在天邊

城郭悲笳暮邨墟過翼稀甲兵年數久賦歛夜  
深歸暗樹依巖落明河繞塞微斗斜人更望月  
細鵲休飛

朝

清旭楚宮南霜空萬嶺含野人時獨往雲木曉

相參俊鶻無聲過  
饑鳥下食貪病身  
終不動搖  
落任江潭

浦帆晨初發  
郊扉冷未開  
林疎黃葉墜  
野靜白鷗來  
礎潤休全濕  
雲晴欲半迴  
巫山冬可怪  
昨夜有奔雷

雨

微雨不滑道  
斷雲疎復行  
紫崖奔處黑  
白鳥去邊明  
秋日新霑影  
寒江舊落聲  
柴扉臨野碓  
半濕搗香杭

楚雨石苔滋  
京華消息遲  
山寒青兕叫  
江晚白鷗飢  
神女花鈿落  
鮫人織杼悲  
繁憂不自整  
終日灑如絲

謁真諦寺禪師

蘭若山高處  
烟霞嶂幾重  
凍泉依細石  
晴雪落長松  
問法看詩妄  
觀身向酒慵  
未能割妻子  
卜宅近前峯

奉送卿二翁統節度鎮軍還江陵

火旗還錦纜  
白馬出江城  
嘹唳吟笳發  
蕭條別浦清  
寒空巫峽曙  
落日渭陽情  
留滯嗟衰疾  
何時見息兵

題柏大兄弟山居屋壁

叔父朱門貴郎君玉樹高山居精典籍文雅涉  
風騷江漢終吾老雲林得爾曹哀絃繞白雪未  
與俗人操

白帝城樓

江度寒山閣城高絕塞樓翠屏宜晚對白谷會  
深遊急急能鳴鴈輕輕不下鷗夷陵春色起漸  
擬放扁舟

有歎

壯心久零落白首寄人間天下兵常鬪江東客

未還窮猿號雨雪老馬怯關山武德開元際蒼  
生豈重攀

春夜峽州田侍御長史津亭留宴

北斗三更席西江萬里船杖藜登水榭揮翰宿  
春天白髮煩多酒明星惜此筵始知雲雨峽忽  
盡下牢邊

上巳日徐司錄林園宴集

鬢毛垂領白花蘂亞枝紅歌倒衰年廢招尋令  
節同薄衣臨積水吹面受和風有喜留攀桂無  
勞問轉蓬



和江陵宋大少府暮春雨後同諸公及舍弟宴書齋

渥洼汗血種天上麒麟兒才士得神秀書齋聞  
爾為棣華晴雨好綵服暮春宜朋酒日歡會老  
夫今始知

歸鴈

聞道今春鴈南歸自廣州見花辭漲海避雪到  
羅浮是物關兵氣何時免客愁年年霜露隔不  
過五湖秋

夏日楊長寧宅送崔侍御常正字入京

醉酒揚雄宅升堂子賤琴不堪垂老鬢還對欲  
分襟天地西江遠星辰北斗深烏臺俯麟閣長  
夏白頭吟

江邊星月

江月辭風纜江星別霧船雞鳴還曙色鷺浴自  
晴川歷歷竟誰種悠悠何處圓客愁殊未已他  
夕始相鮮

舟月對驛近寺

更深不假燭月朗自明船金刹青楓外朱樓白  
水邊城烏啼眇眇野鷺宿娟娟皓首江湖客鉤

簾獨未眠

舟中

風餐江柳下雨卧驛樓邊結纜排魚網連檣並  
米船今朝雲細薄昨夜月清圓飄泊南庭老祇  
應學水仙

哭李常侍嶧

青瑣陪雙入銅梁阻一辭風塵逢我地江漢哭  
君時次第尋書札呼兒檢贈詩發揮王子表不  
媿史臣詞

移居公安山館

南國晝多霧北風天正寒路危行木杪身迫宿  
雲端山鬼吹燈滅厨人語夜聞雞鳴問前館世  
亂敢求安

公安送李二十九弟晉肅入蜀余下沔鄂  
正解柴桑纜仍看蜀道行檣烏相背發塞鴈一  
行鳴南紀連銅柱西江接錦城憑將百錢卜漂  
泊問君平

衡州送李大夫七丈勉赴廣州

斧鉞下青冥樓船過洞庭北風隨爽氣南斗避  
文星日月籠中鳥乾坤水上萍王孫丈人行垂

老見飄零

泊岳陽城下

江國踰千里山城僅百層岸風翻夕浪舟雪灑  
寒燈留滯才難盡艱危氣益增圖南未可料變  
化有鷗鵬

纜船苦風戲題四韻奉簡鄭十三判官

楚岸朔風疾天寒鷓鴣呼漲沙霾草樹舞雪渡  
江湖吹帽時時落維舟日日孤因聲置驛外為  
覓酒家壚

登岳陽樓

昔聞洞庭水今上岳陽樓吳楚東南坼乾坤日  
夜浮親朋無一字老病有孤舟戎馬關山北憑  
軒涕泗流

陪裴使君登岳陽樓

湖濶蕪雲霧樓孤屬晚晴禮加徐孺子詩接謝  
宣城雪岸叢梅發春泥百草生敢違漁父問從  
此更南征

南征

春岸桃花水雲帆楓樹林偷生長避地適遠更  
霑襟老病南征日君恩北望心百年歌自苦未

見有知音

歸夢

道路時通塞江山日寂寥偷生唯一老伐叛已  
三朝雨急青楓暮雲深黑水遥夢魂歸未得不  
用楚辭招

宿青草湖

洞庭猶在目青草續為名宿槩依農事郵籤報  
水程寒冰争倚薄雲月透微明湖鴈雙雙起人  
來故北征

宿白沙驛

水宿仍餘照人烟復此亭驛邊沙舊白湖外草  
新青萬象皆春氣孤槎自客星隨波無限月的  
近南溟

湘夫人祠

肅肅湘妃廟空墻碧水春蟲書玉佩蘚燕舞翠  
帷塵晚泊登汀樹微馨借渚蘋蒼梧恨不盡染  
淚在叢筠

祠南夕望

百丈牽江色孤舟汎日斜興來猶杖屨目斷更  
雲沙山鬼迷春竹湘娥倚暮花湖南清絕地萬

古一長嗟

發潭州

夜醉長沙酒曉行湘水春  
岸花飛送客檣燕語留人  
賈傅才未有褚公書絕倫  
名高前後事回首一傷神

野望

納納乾坤大行行郡國遙  
雲山兼五嶺風壤帶三苗  
野樹侵江闊春蒲長雪消  
扁舟空老去無補聖明朝

入喬口

漠漠舊京遠遲遲歸路賒  
殘年傍水國落日對春華  
樹蜜早蜂亂江泥輕燕斜  
賈生骨已朽悽惻近長沙

潭州送韋負外迢牧韶州

炎海韶州牧風流漢署郎  
分符先令望同舍有輝光  
白首多年疾秋天昨夜涼  
洞庭無過鴈書疏莫相忘

晚秋長沙蔡五侍御飲筵送殷六參軍歸澧州覲省

佳士欣相識慈顏望遠遊  
甘從投轄飲肯作致

後定本陸子選 卷三  
書郵高鳥黃雲暮寒蟬碧樹秋湖南冬不雪吾  
病得淹留

江漢

江漢思歸客乾坤一腐儒片雲天共遠永夜月  
同孤落日心猶壯秋風病欲蘇古來存老馬不  
必取長途

舟中夜雪有懷盧十四侍御弟

朔風吹桂水大雪夜紛紛暗度南樓月寒深北  
渚雲燭斜初近見舟重竟無聞不識山陰道聽  
雞更憶君

對雪

北雪犯長沙胡雲冷萬家隨風且間葉帶雨不  
成花金錯囊垂罄銀壺酒易賒無人竭浮蟻有  
待至昏鴉

送趙十七明府之縣

連城為寶重茂宰得才新山雉迎舟楫江花報  
邑人論文翻恨晚卧病却愁春惠愛南翁悅餘  
波及老身

歸鴈

萬里衡陽鴈今年又北歸雙雙瞻客上一一背

人飛雲裏相呼疾沙邊自宿稀繫書元浪語愁  
寂故山薇

欲雪違胡地先花別楚雲却過清渭影高起洞  
庭羣塞北春陰暮江南日色曛傷弓流落羽行  
斷不堪聞

過洞庭湖

蛟室圍青草龍堆隱白沙護堤盤古木迎櫂舞  
神鴉破浪南風正回檣畏日斜湖光與天遠直  
欲泛仙槎

御定杜陸千選卷之三

御定杜陸千選卷之四目錄

杜律七言

題張氏隱居

鄭駙馬宅宴洞中

城西陂泛舟

贈田九判官梁丘

贈獻納使起居田舍人澄

臘日

奉和賈至舍人早朝大明宮

宣政殿退朝晚出左掖

紫宸殿退朝口號

題省中壁

曲江陪鄭八丈南史飲

曲江 二首

曲江對酒

曲江對雨

望岳

早秋苦熱堆案相仍

九日藍田崔氏莊

崔氏東山草堂

至日寄北省舊閣老兩院故人 二首

卜居

堂成

蜀相

賓至

狂夫

江邨

野老

南鄰

恨別



和裴迪登蜀州東亭送客逢早梅相憶見寄

客至

江上值水如海勢聊短述

進艇

送韓十四江東省覲

王十七侍御掄許攜酒至草堂奉寄此詩

便請邀高三十五使君同到

陪李七司馬皂江上觀造竹橋即日成往

來之人免冬寒入水聊題短作

野望

野人送朱櫻

嚴公仲夏枉駕草堂兼攜酒饌

秋盡

野望

聞官軍收河南河北

送路六侍御入朝

涪城縣香積寺官閣

章梓州橘亭餞成都竇少尹

九日

滕王亭子

將赴荆南寄別李劍州

奉寄別馬巴州

奉待嚴大夫

將赴成都草堂先寄嚴鄭公 四首

題桃樹

登樓

院中晚晴懷西郭茅舍

宿府

十二月一日 三首

示獠奴阿段

白帝城最高樓

峽中覽物

返照

黃草

諸將 五首

夜

吹笛

秋興 八首

詠懷古跡 五首

閣夜

小至

奉送蜀州柏二別駕將中丞命赴江陵起  
居衛尚書太夫人因示從弟行軍司馬

位

見王監兵馬使說近山有白黑二鷹羅者  
久取竟未能得王以為毛骨有異他鷹  
恐臘後春生騫飛避暖勁翮思秋之甚  
眇不可見請余賦詩二首

立春

愁

崔評事弟許相迎不到應慮老夫見泥雨  
怯出必愆佳期走筆戲簡  
遣悶戲呈路十九曹長

晝夢

暮春

即事

赤甲

江雨有懷鄭典設

豔頰

七月一日題終明府水樓 二首

見螢火

送李八秘書赴杜相公墓

九日

登高

即事

冬至

柏學士茅屋

舍弟觀赴藍田取妻子到江陵喜寄

人日

多病執執奉懷李尚書

江陵節度使陽城郡王新樓成王請嚴侍

御判官賦七字句同作

又作此奉衛王

暮歸

公安送韋二少府匡贊

曉發公安

小寒食舟中作

Blank page with vertical lines for text.

御定杜陸千選卷之四

杜律七言

題張氏隱居

春山無伴獨相求  
伐木丁丁山更幽  
澗道餘寒歷冰雪  
石門斜日到林丘  
不貪夜識金銀氣  
遠害朝看麋鹿遊  
乘興杳然迷出處  
對君疑是泛虛舟

鄭駙馬宅宴洞中

主家陰洞細烟霧  
留客夏簟青琅玕  
春酒杯濃琥珀薄  
冰漿椀碧瑪瑙寒  
悞疑茅堂過江麓  
已

入風磴霾雲端自是秦樓壓鄭谷時聞雜佩聲  
珊珊

城西陂泛舟

青蛾皓齒在樓船橫笛短簫悲遠天春風自信  
牙檣動遲日徐看錦纜牽魚吹細浪搖歌扇燕  
蹴飛花落舞筵不有小舟能蕩槳百壺那送酒  
如泉

贈田九判官梁丘

崆峒使節上青霄河隴降王款聖朝宛馬總肥  
秦首蒼將軍只數漢嫖姚陳留阮瑀誰爭長京

兆田郎早見招麾下賴君才並入獨能無意向  
漁樵

贈獻納使起居田舍人澄

獻納司存雨露邊地分清切任才賢舍人退食  
收封事宮女開函近御筵曉漏追趨青瑣闥晴  
窓點檢白雲篇揚雄更有河東賦唯待吹噓送  
上天

臘日

臘日常年暖尚遙今年臘日凍全消侵凌雪色  
還萱草漏洩春光有柳條縱酒欲謀良夜醉歸

家初散紫宸朝口脂面藥隨恩澤翠管銀鬢下  
九霄

奉和賈至舍人早朝大明宮

五夜漏聲催曉箭九重春色醉仙桃旌旂日暖  
龍蛇動宮殿風微燕雀高朝罷香烟攜滿袖詩  
成珠玉在揮毫欲知世掌絲綸美池上于今有  
鳳毛

宣政殿退朝晚出左掖

天門日射黃金榜春殿晴熏赤羽旗宮草霏霏  
承委珮鑪烟細細駐游絲雲近蓬萊常五色雪  
殘鳩鵲亦多時侍臣緩步歸青瑣退食從容出  
每遲

紫宸殿退朝口號

戶外昭容紫袖垂雙瞻御座引朝儀香飄合殿  
春風轉花覆千官淑景移晝漏稀聞高閣報天  
顏有喜近臣知宮中每出歸東省會送夔龍集  
鳳池

題省中壁

掖垣竹埤梧十尋洞門對雷常陰陰落花遊絲  
白日靜鳴鳩乳燕青春深腐儒表晚謬通籍退

食遲迴違寸心  
衮職曾無一字補  
許身愧比雙南金

曲江陪鄭八丈南史飲

崔豕江頭黃柳花  
鷓鴣鵝鵝滿晴沙  
自知白髮非春事  
且盡芳樽戀物華  
近侍即今難浪跡  
此身那得更無家  
丈人才力猶強健  
豈傍青門學種瓜

曲江

一片花飛減却春  
風飄萬點正愁人  
且看欲盡花經眼  
莫厭傷多酒入唇  
江上小堂巢翡翠  
苑

邊高塚卧麒麟  
細推物理須行樂  
何用浮名絆此身

朝回日日典春衣  
每日江頭盡醉歸  
酒債尋常行處有  
人生七十古來稀  
穿花蛺蝶深深見  
點點水蜻蜓款款飛  
傳語風光共流轉  
暫時相賞莫相違

曲江對酒

苑外江頭坐不歸  
水精宮殿轉霏微  
桃花細逐楊花落  
黃鳥時兼白鳥飛  
縱飲久判人共棄  
懶朝真與世相違  
吏情更覺滄洲遠  
老大徒傷未



拂衣

曲江對雨

城上春雲覆苑牆，江亭晚色靜年芳。  
林花著雨燕支濕，水荇牽風翠帶長。  
龍武新軍深駐輦，芙蓉別殿漫焚香。  
何時詔此金錢會，暫醉佳人錦瑟傍。

望岳

西岳峻嶒竦處尊，諸峯羅立似兒孫。  
安得仙人九節杖，拄到玉女洗头盆。  
車箱入谷無歸路，箭栝通天有一門。  
稍待秋風涼冷後，高尋白帝問。

真源

早秋苦熱堆案相仍

七月六日苦炎蒸，對食暫餐還不能。  
常愁夜中自足蝎，况乃秋後轉多蠅。  
束帶發狂欲大叫，簿書何急來相仍。  
南望青松架短壑，安得赤脚踏層冰。

九日藍田崔氏莊

老去悲秋強自寬，興來今日盡君歡。  
羞將短髮還吹帽，笑倩傍人為正冠。  
藍水遠從千澗落，玉山高竝兩峯寒。  
明年此會知誰健，醉把茱萸仔細看。

細看

崔氏東山草堂

愛汝玉山草堂靜高秋爽氣相鮮新有時自發  
鐘磬響落日更見漁樵人盤剝白鴉谷口栗飯  
煑青泥坊底芥何為西莊王給事柴門空閉鎖  
松筠

至日寄北省舊閣老兩院故人

去歲茲辰捧御牀五更三點入鵝行欲知趨走  
傷心地正想氤氳滿眼香無路從容陪語笑有  
時顛倒著衣裳何人錯憶窮愁日愁日愁隨一

線長

憶昨逍遙供奉班去年今日侍龍顏麒麟不動  
爐烟上孔雀徐開扇影還玉几由来天北極朱  
衣只在殿中間孤城此日堪腸斷愁對寒雲雪  
滿山

卜居

浣花溪水水西頭主人為卜林塘幽已知出郭  
少塵事更有澄江銷客愁無數蜻蜒齊上下一  
雙鷓鴣對沈浮東行萬里堪乘興須向山陰上  
小舟

堂成

背郭堂成蔭白茅，緣江路熟俯青郊。  
檜林礙日吟風葉，籠竹和烟滴露梢。  
暫止飛鳥將數子，頻來語燕定新巢。  
傍人錯比揚雄宅，懶惰無心作解嘲。

蜀相

丞相祠堂何處尋，錦官城外柏森森。  
映階碧草自春色，隔葉黃鸝空好音。  
三顧頻繁天下計，兩朝開濟老臣心。  
出師未捷身先死，長使英雄淚滿襟。

賓至

幽棲地僻經過少，老病人扶再拜難。  
豈有文章驚海內，漫勞車馬駐江干。  
竟日淹留佳客坐，百年羸癯腐儒餐。  
不嫌野外無供給，乘興還來看藥欄。

狂夫

萬里橋西一草堂，百花潭水即滄浪。  
風含翠篠娟娟淨，雨裊紅蕖冉冉香。  
厚祿故人書斷絕，恒飢稚子色淒涼。  
欲填溝壑惟踈放，自笑狂夫老更狂。

江邨

清江一曲抱邨流長夏江邨事事幽自去自来  
堂上燕相親相近水中鷗老妻畫紙為碁局稚  
子敲針作釣鉤多病所須惟藥物微軀此外更  
何求

野老

野老籬邊江岸迴柴門不正逐江開漁人網集  
澄潭下估客船隨返照來長路關心悲劔閣片  
雲何事傍琴臺王師未報收東郡城闕秋生畫  
角哀

南鄰

錦里先生烏角巾園收芋栗不全貧慣看賓客  
兒童喜得食堦除鳥雀馴秋水纔深四五尺野  
航恰受兩三人白沙翠竹江邨暮相送柴門月  
色新

恨別

洛城一別四千里胡騎長驅五六年草木變衰  
行劔外兵戈阻絕老江邊思家步月清宵立憶  
弟看雲白日眠聞道河陽近乘勝司徒急為破  
幽燕

和裴迪登蜀州東亭送客逢早梅相憶見寄

東閣官梅動詩興  
還如何遜在揚州  
此時對雪遙相憶  
送客逢春可自由  
幸不折來傷歲暮  
若為看去亂鄉愁  
江邊一樹垂垂發  
朝夕催人自白頭

客至

舍南舍北皆春水  
但見羣鷗日日來  
花徑不曾緣客掃  
蓬門今始為君開  
盤飧市遠無兼味  
樽酒家貧只舊醅  
肯與鄰翁相對飲  
隔籬呼取盡餘杯

餘杯

江上值水如海勢聊短述

為人性癖耽佳句  
語不驚人死不休  
老去詩篇渾漫興  
春來花鳥莫深愁  
新添水檻供垂釣  
故著浮槎替入舟  
焉得思如陶謝手  
令渠述作與同遊

進艇

南京久客耕南畝  
北望傷神坐北窓  
晝引老妻乘小艇  
晴看稚子浴清江  
俱飛蛺蝶元相逐  
並蒂芙蓉本自雙  
茗飲蔗漿攜所有  
瓷甌無謝玉

為缸

送韓十四江東省覲

兵戈不見老萊衣  
嘆息人間萬事非  
我已無家尋弟妹  
君今何處訪庭闈  
黃牛峽靜灘聲轉  
白馬江寒樹影稀  
此別應須各努力  
故鄉猶恐未同歸

王十七侍御掄許攜酒至草堂奉寄此詩便請邀高三十五使君同到

老夫卧穩朝慵起  
白屋寒多暖始開  
江鶴巧當幽徑浴  
鄰雞還過短牆來  
繡衣屢許攜家醞  
皂

蓋能忘折野梅戲假霜威促山簡須成一醉習池迴

陪李七司馬皂江上觀造竹橋即日成往來之人免冬寒入水聊題短作

伐竹為橋結構同  
褰裳不涉往來通  
天寒白鶴歸華表  
日落青龍見水中  
顧我老非題柱客  
知君才是濟川功  
合歡却笑千年事  
驅石何時到海東

野望

西山白雪三城戍  
南浦清江萬里橋  
海內風塵

諸弟隔天涯涕淚一身遙  
惟將遲暮供多病未  
有涓埃答聖朝跨馬出郊時  
極目不堪人事日  
蕭條

野人送朱櫻

西蜀櫻桃也自紅野人相贈滿筠籠  
數回細寫愁仍破萬顆勻圓訝許同  
憶昨賜露門下省退朝擎出大明宮  
金盤玉筋無消息此日嘗新任  
轉蓬

嚴公仲夏枉駕草堂兼攜酒饌

竹裏行厨洗玉盤花邊立馬簇金鞍  
非關使者徵求急自識將軍禮數寬  
百年地僻柴門迴五月江深草閣寒  
看弄漁舟移白日老農何有罄  
交歡

秋盡

秋盡東行且未迴茅齋寄在少城隈  
籬邊老却陶潛菊江上徒逢袁紹杯  
雪嶺獨看西日落劒門猶阻北人來  
不辭萬里長為客懷抱何時得好開

野望

金華山北涪水西仲冬風日始淒淒  
山連越嶺

卷四  
蟠三蜀水散巴渝下五溪獨鶴不知何事舞饑  
鳥似欲向人啼射洪春酒寒仍綠極目傷神誰  
為攜

聞官軍收河南河北

劍外忽傳收薊北初聞涕淚滿衣裳却看妻子  
愁何在漫卷詩書喜欲狂白首放歌須縱酒青  
春作伴好還鄉即從巴峽穿巫峽便下襄陽向  
洛陽

送路六侍御入朝

童稚情親四十年中間消息兩茫然更為後會

知何地忽漫相逢是別筵不分桃花紅勝錦生  
憎柳絮白於絲劍南春色還無賴觸忤愁人到  
酒邊

涪城縣香積寺官閣

寺下春江深不流山腰官閣迴添愁含風翠壁  
孤雲細背日丹楓萬木稠小院迴廊春寂寂浴  
鳧飛鷺晚悠悠諸天合在藤蘿外昏黑應須到  
上頭

章梓州橘亭餞成都竇少尹

秋日野亭千橘香玉杯錦席高雲涼主人送客



何所作行酒賦詩殊未央  
衰老應為難離別賢  
聲此去有輝光  
預傳藉藉新京兆  
青史無勞數  
趙張

九日

去年登高鄴縣北  
今日重在涪江濱  
苦遭白髮  
不相放著見黃花  
無數新世亂鬱鬱  
久為客路  
難悠悠常傍人  
酒闌却憶十年事  
腸斷驪山清  
路塵

滕王亭子

君王臺榭枕巴山  
萬丈丹梯尚可攀  
春日鶯啼

脩竹裏仙家  
犬吠白雲間  
清江錦石傷心麗  
嫩  
藥濃花滿目  
斑人到于今  
歌出牧來遊  
此地不知還

將赴荆南寄別李劍州

使君高義驅今古  
寥落三年坐劍州  
但見文翁  
能化俗焉知李廣  
未封侯  
路經灩澦雙蓬鬢  
天  
入滄浪一釣舟  
戎馬相逢更何日  
春風回首仲  
宣樓

奉寄別馬巴州

勲業終歸馬伏波  
功曹非復漢蕭何  
扁舟繫纜

沙邊久南國浮雲水上多獨把漁竿終遠去難  
隨鳥翼一相過知君未愛春湖色與在驪駒白  
玉珂

奉待嚴大夫

殊方又喜故人來重鎮還須濟世才常怪偏裨  
終日待不知旌節隔年回欲辭巴徼啼鶯合遠  
下荆門去鷓催身老時危思會面一生襟抱向  
誰開

將赴成都草堂先寄嚴鄭公

得歸茅屋赴成都直為文翁再剖符但使閭閻

還揖讓敢論松竹久荒蕪魚知丙穴由來美酒  
憶邛筒不用酤五馬舊曾諳小徑幾回書札待  
潛夫

處處清江帶白蘋故園猶得見殘春雪山斥候  
無兵馬錦里逢迎有主人休怪兒童延俗客不  
教鵝鴨惱比鄰習池未覺風流盡况復荊州賞  
更新

竹寒沙碧浣花溪橘刺藤梢咫尺迷過客徑須  
愁出入居人不自解東西書籤藥裹封蛛網野  
店山橋送馬蹄肯藉荒庭春草色先拚一飲醉

如泥

常苦沙崩損藥欄也從江檻落風湍新松恨不  
高千尺惡竹應須斬萬竿生理祇憑黃閣老衰  
顏欲付紫金丹三年奔走空皮骨信有人間行  
路難

題桃樹

小徑升堂舊不斜五株桃樹亦從遮高秋總饋  
貧人實來歲還舒滿眼花簾戶每宜通乳燕兒  
童莫信打慈鴟寡妻羣盜非今日天下車書已  
一家

登樓

花近高樓傷客心萬方多難此登臨錦江春色  
來天地玉壘浮雲變古今北極朝廷終不改西  
山寇盜莫相侵可憐後主還祠廟日暮聊為梁  
父吟

院中晚晴懷西郭茅舍

幕府秋風日夜清澹雲踈雨過高城葉心朱實  
看時落階面青苔先自生復有樓臺銜暮景不  
勞鐘鼓報新晴浣花溪裏花饒笑肯信吾兼吏  
隱名

宿府

清秋幕府井梧寒，獨宿江城蠟炬殘。  
永夜角聲悲自語，中天月色好誰看。  
風塵荏苒音書絕，關塞蕭條行路難。  
已忍伶俜十年事，強移棲息一枝安。

十二月一日

今朝臘月春意動，雲安縣前江可憐。  
一聲何處送書鴈，百丈誰家上瀨船。  
未將梅蘂驚愁眼，要取椒花媚遠天。  
明光起草人所羨，肺病幾時朝日邊。

寒輕市上山烟碧，日滿樓前江霧黃。  
負鹽出井此溪女，打鼓發船何郡郎。  
新亭舉目風景切，茂陵著書消渴長。  
春花不愁不爛漫，楚客惟聽棹相將。

即看燕子入山扉，豈有黃鸝歷翠微。  
短短桃花臨水岸，輕輕柳絮點人衣。  
春來準擬開懷久，老去親知見面稀。  
他日一杯難強進，重嗟筋力故山違。

示獠奴阿段

山木蒼蒼落日曛，竹竿裊裊細泉分。  
郡人入夜

荷葉木陰二選 卷四  
爭餘瀝豎子尋源獨不聞病渴三更回白首傳  
聲一注濕青雲曾驚陶侃胡奴異怪爾常穿虎  
豹羣

白帝城最高樓

城尖徑仄旌旆愁獨立縹緲之飛樓峽坼雲霾  
龍虎卧江清日抱黿鼉遊扶桑西枝對斷石弱  
水東影隨長流杖藜嘆世者誰子泣血迸空回  
白頭

峽中覽物

曾為掾吏趨三輔憶在潼關詩興多巫峽忽如

瞻華嶽蜀江猶似見黃河舟中得病移衾枕洞  
口經春長薜蘿形勝有餘風土惡幾時回首一  
高歌

返照

楚王宮北正黃昏白帝城西過雨痕返照入江  
翻石壁歸雲擁樹失山村衰年肺病惟高枕絕  
塞愁時早閉門不可久留豺虎亂南方實有未  
招魂

黃草

黃草峽西船不歸赤甲山下人行稀秦中驛使

無消息蜀道兵戈有是非萬里秋風吹錦水誰  
家別淚濕羅衣莫愁劍閣終堪據聞道松州已  
被圍

諸將

漢朝陵墓對南山胡虜千秋尚入關昨日玉魚  
蒙葬地早時金盃出人間見愁汗馬西戎逼曾  
閃朱旗北斗殷多少材官守涇渭將軍且莫破  
愁顏

韓公本意築三城擬絕天驕拔漢旌豈謂盡煩  
回紇馬翻然遠救朔方兵胡來不覺潼關隘龍  
起猶聞晉水清獨使至尊憂社稷諸君何以答  
升平

洛陽宮殿化為烽休道秦關百二重滄海未全  
歸禹貢薊門何處盡堯封朝廷衮職誰爭補天  
下軍儲不自供稍喜臨邊王相國肯銷金甲事  
春農

回首扶桑銅柱標冥冥氛祲未全銷越裳翡翠  
無消息南海明珠久寂寥殊錫曾為大司馬總  
戎皆插侍中貂炎風朔雪天王地只在忠臣翊  
聖朝

錦江春色逐人來巫峽清秋萬壑哀正憶往時  
嚴僕射共迎中使望鄉臺主恩前後三持節軍  
令分明數舉杯西蜀地形天下險安危須仗出  
羣材

夜

露下天高秋水清空山獨夜旅魂驚  
孤帆宿新月猶懸雙杵鳴南菊再逢人卧病北  
書不至鴈無情步簷倚杖看牛斗銀漢遥應接  
鳳城

吹笛

吹笛秋山風月清誰家巧作斷腸聲風飄律呂  
相和切月傍關山幾處明胡騎中宵堪北走武  
陵一曲想南征故園楊柳今搖落何得愁中却  
盡生

秋興

玉露凋傷楓樹林巫山巫峽氣蕭森江間波浪  
兼天湧塞上風雲接地陰叢菊兩開他日淚孤  
舟一繫故園心寒衣處處催刀尺白帝城高急  
暮砧

夔府孤城落日斜每依北斗望京華聽猿實下

三聲淚奉使虛隨八月槎畫省香爐違伏枕山樓粉堞隱悲笳請看石上藤蘿月已映洲前蘆荻花

千家山郭靜朝暉日日江樓坐翠微信宿漁人還泛泛清秋燕子故飛飛匡衡抗疏功名薄劉向傳經心事違同學少年多不賤五陵衣馬自輕肥

聞道長安似奕碁百年世事不勝悲王侯第宅皆新主文武衣冠異昔時直北關山金鼓振征西車馬羽書遲魚龍寂寞秋江冷故國平居有

所思

蓬萊宮闕對南山承露金莖霄漢間西望瑤池降王母東來紫氣滿函關雲移雉尾開宮扇日繞龍鱗識聖顏一卧滄江驚歲晚幾回青瑣點朝班

瞿唐峽口曲江頭萬里風烟接素秋花萼夾城通御氣芙蓉小苑入邊愁珠簾繡柱圍黃鵠錦纜牙樯起白鷗回首可憐歌舞地秦中自古帝王州

昆明池水漢時功武帝旌旗在眼中織女機絲



虛夜月石鯨鱗甲動秋風波漂菰米沈雲黑露  
冷蓮房墜粉紅關塞極天唯鳥道江湖滿地一

漁翁

昆吾御宿自逶迤紫閣峯陰入漾陂香稻豕餘  
鸚鵡粒碧梧棲老鳳凰枝佳人拾翠春相問仙  
侶同舟晚更移綵筆昔曾干氣象白頭吟望苦  
低垂

詠懷古跡

支離東北風塵際漂泊西南天地間三峽樓臺  
淹日月五溪衣服共雲山羯胡事主終無賴詞

客哀時且未還庾信平生最蕭瑟暮年詩賦動

江關

搖落深知宋玉悲風流儒雅亦吾師悵望千秋  
一灑淚蕭條異代不同時江山故宅空文藻雲  
雨荒臺豈夢思最是楚宮俱泯滅舟人指點到  
今疑

羣山萬壑赴荆門生長明妃尚有村一去紫臺  
連朔漠獨留青塚向黃昏畫圖省識春風面環  
珮空歸月夜魂千載琵琶作胡語分明怨恨曲  
中論

蜀主窺吳幸三峽崩年亦在永安宮翠華想像  
空山裏玉殿虛無野寺中古廟杉松巢水鶴歲  
時伏臘走村翁武侯祠屋長鄰近一體君臣祭  
祀同

諸葛大名垂宇宙宗臣遺像肅清高三分割據  
紆籌策萬古雲霄一羽毛伯仲之間見伊呂指  
揮若定失蕭曹運移漢祚終難復志決身殲軍  
務勞

閣夜

歲暮陰陽催短景天涯霜雪霽寒宵五更鼓角

聲悲壯三峽星河影動搖野哭千家聞戰伐夷  
歌幾處起漁樵卧龍躍馬終黃土人事音書漫  
寂寥

小至

天時人事日相催冬至陽生春又來刺繡五紋  
添弱線吹葭六琯動飛灰岸容待臘將舒柳山  
意衝寒欲放梅雲物不殊鄉國異教兒且覆掌  
中杯

奉送蜀州柏二別駕將中丞命赴江陵起  
居衛尚書太夫人因示從弟行軍司馬位

中丞問俗畫熊頻愛弟傳書綵鷁新遷轉五州  
防禦使起居八座太夫人楚宮臘送荆門水白  
帝雲偷碧海春與報惠連詩不惜知吾斑鬢總  
如銀

見王監兵馬使說近山有白黑二鷹羅者  
久取竟未能得王以為毛骨有異他鷹恐  
臘後春生騫飛避暖勁翮思秋之甚眇不  
可見請余賦詩

雪飛玉立盡清秋不惜竒毛恣遠遊在野只教  
心力破千人何事網羅求一生自獵知無敵百

中爭能恥下韝鵬礙九天須却避兔藏三窟莫  
深憂

黑鷹不省人間有度海疑從北極來正翮搏風  
超紫塞玄冬幾夜宿陽臺虞羅自覺虛施巧春  
鴈同歸必見猜萬里寒空祇一日金眸玉爪不  
凡材

立春

春日春盤細生菜忽憶兩京梅發時盤出高門  
行白玉菜傳纖手送青絲巫峽寒江那對眼杜  
陵遠客不勝悲此身未知歸定處呼兒覓紙一

題詩

愁

江草日日喚愁生  
巫峽泠泠非世情  
盤渦鷺浴底心性  
獨樹花發自分明  
十年戎馬暗南國  
異域賓客老孤城  
渭水秦山得見否  
人今罷病虎縱橫

崔評事弟許相迎不到應慮老夫見泥雨  
怯出必愆佳期走筆戲簡

江閣邀賓許馬迎  
午時起坐自天明  
浮雲不負青春色  
細雨何孤白帝城  
身過花間露濕好  
醉

於馬上往來輕  
虛疑皓首衝泥怯  
實少銀鞍傍險行

遣悶戲呈路十九曹長

江浦雷聲喧昨夜  
春城雨色動微寒  
黃鸝並坐交愁濕  
白鷺羣飛太劇乾  
晚節漸於詩律細  
誰家數去酒杯寬  
唯君最愛清狂客  
百遍相過意未闌

晝夢

二月饒睡昏昏然  
不獨夜短晝分眠  
桃花氣暖眼自醉  
春渚日落夢相牽  
故鄉門巷荆棘底  
中

原君臣豺虎邊安得務農息戰鬪普天無吏橫  
索錢

暮春

卧病擁塞在峽中瀟湘洞庭虛映空楚天不斷  
四時雨巫峽常吹萬里風沙上草閣柳新閣城  
邊野池蓮欲紅暮春鴛鴦立洲渚挾子翻飛還  
一叢

即事

暮春三月巫峽長晶晶行雲浮日光雷聲忽送  
千峯雨花氣渾如百和香黃鶯過水翻迴去燕

子銜泥濕不妨飛閣卷簾圖書裏虛無只少對  
瀟湘

赤甲

卜居赤甲遷居新兩見巫山楚水春炙背可以  
獻天子羨芹由來知野人荊州鄭薛寄詩近蜀  
客却岑非我鄰笑接郎中評事飲病從深酌道  
吾真

江雨有懷鄭典設

春雨閣閣塞峽中早晚來自楚王宮亂波紛披  
已打岸弱雲狼藉不禁風寵光蕙葉與多碧點

注桃花舒小紅谷口子真正憶汝岸高讓滑隈  
西東

灩澦

灩澦既沒孤根深西來水多愁太陰江天漠漠  
鳥雙去風雨時時龍一吟舟人漁子歌回首估  
客胡商淚滿襟寄語舟航惡年少休翻鹽井擲  
黃金

七月一日題終明府水樓

高棟曾軒已自涼秋風此日灑衣裳翛然欲下  
陰山雪不去非無漢署香絕壁過雲開錦繡踈

松夾水奏笙簧看君宜著玉喬履真賜還疑出  
尚方

處子彈琴邑宰日終軍棄繻英妙時承家節操  
尚不泯為政風流今在茲可憐賓客盡傾蓋何  
處老翁來賦詩楚江巫峽半雲雨清簟踈簾看  
奕碁

見螢火

巫山秋夜螢火飛簾踈巧入坐人衣忽驚屋裏  
琴書冷復亂簷前星宿稀却遶井欄添箇箇偶  
經花蘂弄輝輝滄江白髮愁看汝來歲如今歸

未歸

送李八秘書赴杜相公幕

青簾白舫益州來  
巫峽秋濤天地迴  
石出倒聽楓葉下  
櫓搖背指菊花開  
貪趨相府今晨發  
恐失佳期後命催  
南極一星朝北斗  
五雲多處是三台

九日

重陽獨酌杯中酒  
抱病起登江上臺  
竹葉於人既無分  
菊花從此不須開  
殊方日落玄猿哭  
舊國霜前白鴈來  
弟妹蕭條各何在  
干戈衰謝兩相催

相催

登高

風急天高猿嘯哀  
渚清沙白鳥飛迴  
無邊落木蕭蕭下  
不盡長江滾滾來  
萬里悲秋常作客  
百年多病獨登臺  
艱難苦恨繁霜鬢  
潦倒新停濁酒杯

即事

天畔羣山孤草亭  
江中風浪雨冥冥  
一雙白魚不受釣  
三寸黃甘猶自青  
多病馬卿無日起  
窮途阮籍幾時醒  
未聞細柳散金甲  
腸斷秦川流

濁涇

冬至

年年至日長為客忽忽窮愁泥殺人江上形容  
吾獨老天涯風俗自相親杖藜雪後臨丹壑鳴  
玉朝來散紫宸心折此時無一寸路迷何處是  
三秦

柏學士茅屋

碧山學士焚銀魚白馬却走身巖居古人已用  
三冬足年少今開萬卷餘晴雲滿戶團傾蓋秋  
水浮堦溜決渠富貴必從勤苦得男兒須讀五

車書

舍弟觀赴藍田取妻子到江陵喜寄

馬度秦山雪正深北來肌骨苦寒侵他鄉就我  
生春色故國移居見客心歡劇提攜如意舞喜  
多行坐白頭吟巡簷索共梅花笑冷檠疎枝半  
不禁

人日

此日此時人共得一談一笑俗相看樽前柏葉  
休隨酒勝裏金花巧耐寒佩劍衝星聊暫拔匣  
琴流水自須彈早春重引江湖興直道無憂行



多病執熱奉懷李尚書

路難  
衰年正苦病侵凌  
首夏何須氣鬱蒸  
大水森茫炎海接  
竒峯肆兀火雲升  
思霑道暘黃梅雨  
敢望宮恩玉井冰  
不是尚書期不顧  
山陰夜雪興難乘

江陵節度使陽城郡王新樓成王請嚴侍

御判官賦七字句同作

樓上炎天冰雪生  
高飛燕雀賀新成  
碧窓宿霧濛濛濕  
朱拱浮雲細細輕  
仗鉞褰帷瞻具美  
投壺散帙有餘清  
自公多暇延參佐  
江漢風流萬古情

又作此奉衛王

西北樓成雄楚都  
遠開山嶽散江湖  
二儀清濁還高下  
三伏炎蒸定有無  
推轂幾年惟鎮靜  
曳裾終日盛文儒  
白頭授簡焉能賦  
愧似相如為大夫

暮歸

霜黃碧梧白鶴棲  
城上擊柝復烏啼  
客子入門月皎皎  
誰家搗練風淒淒  
南渡桂水闕舟楫  
北

歸秦川多鼓輦年過半百不稱意明日看雲還  
杖藜

公安送韋二少府匡贊

逍遙公後世多賢送爾維舟惜此筵念我能書  
數字至將詩不必萬人傳時危兵甲黃塵裏日  
短江湖白髮前古往今來皆涕淚斷腸分手各  
風烟

曉發公安

北城擊柝復欲罷東方明星亦不遲鄰雞野哭  
如昨日物色生態能幾時舟楫眇然自此去江

湖遠適無前期出門轉躬已陳跡藥餌扶吾隨  
所之

小寒食舟中作

佳辰強飲食猶寒隱几蕭條戴鶻冠春水船如  
天上坐老年花似霧中看娟娟戲蝶過閒幔片  
片輕鷗下急湍雲白山青萬餘里愁看直北是  
長安

御定杜陸子選卷之四

Blank manuscript page with vertical lines for writing.

